

V C  
1984









h. 19, 23

Qu. XIX, 23.

1. 228.

Vc  
1987

# Ein lustig Gespräch der Teuffel vnd etlicher

Kriegsleute / Von der flucht des grossen  
Scharnhansen H. Heinrichs  
von Brunshwig.


Anno M. D. XLII.

1354.





*[Faint, illegible text, likely bleed-through from the reverse side of the page]*



*[Faint, illegible text, likely bleed-through from the reverse side of the page]*

*[Faint handwritten number, possibly '1301']*





# Lucifers des Hellschen

Erz Teuffels rede / zu seinen Hellschossen.

**L**iebem Herrn / ich hör jemerlich klagen /  
Vnd erschreckliche newe zeitunge sagen .  
Das D<sup>er</sup> Heinrich von Brunschwieg der Jünger  
Sol von seinem Land entronnen vnd veriagt sein . (mein  
Wie hats denn versehen der küne Welt ?  
Ich meint er solt haben den Peren gefelt .  
Der so grausamlich bremmet in der Welt /  
So hilfft weder practiciren / Verreterey noch Gelt .  
Der Latherische Hauffe nimpt vberhand /  
Das Euangelium breitet sich in alle Land .  
Jderman wil dem selbigen anhangen /  
Manch Mensch tregt darnach gros verlangen .  
Die setzen alle wider vnser hellsche List /  
Mit irem Herrn vnd König dem gecreutzigten Christ .  
Der hat vns ein mal ins maul gegriessen /  
Für seiner Gewalt vns noch die Augen triessen .  
Vnser Reich wil schier gar vntergehen /  
Es wil weder Bapst noch sein geschwürm bestehen .  
Wir haben all mit vleis zusamen gethan /  
In der Welt alles vnglück zu richten an .  
Es wil aber gar nicht nach vnserm willen gahn .  
Was wir mit vnsern anschlegen thun tichten vnd trachten  
Das begint die Christliche verstendnis gar zu verachten .

A ij Ligt



## Gesprech

Ligt vns im weg an allem ort/  
Das vnser sachen nirgent gehen fort.  
Das verdreust vns seer on alle massen.  
Doch können wir vnsern Jüngern von Brunschwigg  
nicht trostlos lassen.  
Darumb Pluto vnd Belial jr getrewen Freund  
Wir wissen nicht besser Botschafft/ die man zu jm send  
Denn euch/ Nu schnell auff die fart/  
Tractirt in ehrlich nach seiner art.  
Saget jm vnser huld vnd hellischen grus.  
Belial / Kanstu nu viel liegen vnd triegen / lieber thues /  
Vnd bringet jm von vns diese mehre /  
Das vns sein vngesell gehet zu hertzen seere /  
Wollen vns auch sein mit ernst nemen an /  
Alle vnser hellische macht setzen daran.  
Wir haben noch viel getrewer reiche genossen /  
Wollen all vnser giffz zusammen stossen  
Mit verretherey/ practiciren vnd vinantzen /  
Können jm noch wol hülff vnd rat zuschantzen.  
Er verlas sich nur darauff vnd backe nicht /  
Vertrawet er vns/ so wirds wol ausgericht.  
Wir haben wol eher einem also gethan.  
Können vnsern Jüngern auch in hindern spiegel sehen  
Das jm geholffen wird in vnser Hellen Reich/ (lan  
Dahin gehört er vnd sein gleich /  
Vnd sind alle vnser wilkomen Gest /  
Sehet/helfft ime darzu trewlich/vnd thut das best.

Pluto/



Vom Scharhanssen H. H.

Pluto vnd Belial  
antworten.

Großs mechtiger Fürst des hellischen grund  
Zu dieser Botschafft sind wir der rechte ansbund.  
Das man auch diesen löblichen Man/  
Der alle wege hat nach ewerm willen gethan /  
Trostlos solt lassen / vnd jm helffen nicht /  
Da er doch alle sachen nach teuflischer bosheit ausges  
Das were die größte vnd danckbarkeit / (richt.  
Vnd seiner viel grossen Potentaten leid.  
Denn dieser Man hat ein gut gehör /  
Bey ewer Maiestet Vicario dem Papst vnd ander mehr /  
Cardinalen / Bisschouen vnd grossen Pfaffen /  
Bey den selbigen vnsern Teuffels Affen.  
Dazu bey grossen Königen / Fürsten vnd Welt Herrn /  
Die alle zu ewerm Reich gehören.  
Folgen jm gerne / vnd gassen auff jm /  
Auff jm stehet all jr trost vnd sinn.  
Denn er kan das Glöcklin nach irem Klang gießen /  
Sie haben in auch weidlich mit der silbern Büchssen  
müssen schiessen.  
Ey lieber / eins vmb s ander / keins vmb süß /  
Er hat sein Stall gar wol damit gebüß.  
Er meinet / hets nu seer gut gemacht /  
Pochte hefftig auff die vermeint Cammergericht. Acht.  
Die zwo ehrlich Sted / Brunschwig vnd Goslar  
Solten fur jm stehen grosse gefahr.

2 ij Die



## Gesprech

Die wolt er der massen treiben vnd zwingen/  
Das sie im müsten seins gefallen ein Liedlin singen.  
Es würde im niemand dürffen wehren/  
Er wolt sich auch an jr mit verwandten nicht keren.  
Denn sein anschleg vnd practick wer also verwart/  
Wolt sich wol zu rechter zeit machen auff die fart.  
Vnd den vortantz aller erst haben angefangen/  
Wenn er alle ewer hellische Reich genossen het an sich ge  
Also wolt ers greiffen weislich an / (hangen.  
Ich het selbs nicht gemeint / das im die schantz solt ge  
Er hoffet/es solt sein practick erst bestehen/ (felet han.  
Wer kans aber alles zu Boltslin drehen.  
Es habens ander Leut am lernen verstan/  
Das die vorsitzer im flößen ein vorteil han.  
Vnd das auff sehen sey im spiel das best/  
Ist nicht gut/das man einem zu viel vorteil lefft.  
Darumb hat sich die verstendnis kurtz besunnen/  
Sind dem fromen Man zu frū auff die Kerbei kommen.  
Naben im also ein rang abgelauffen/  
Fürcht warlich/sie werden im ein Kappen kauffen.  
Man hat sie so tieff lassen einreißen/  
Es wil kunst sein/sol man sie nu ausbeissen.  
Wir wollen vns aber in eile zu vnserm Dertzog machen/  
Man mus mit ernst thun zu diesen sachen.  
Wir wollen kein vleis noch mühe sparen/  
Wollen mit im in der Welt vmbher faren.  
Hülff vnd rat suchen bey den die wir wol kennen/  
Ist on not/das wir sie alle nennen.

Man



## Vom Echarhansen H. H.

Man mus nicht offenbaren alle sachen /  
Wenn man wil heimliche practicken machen .  
Denn wir habens zwar bereit dahin bracht /  
Das vnser sonst nirgend wird wol gedacht .  
Aber grosmechtiger Fürst vnd Herr mein /  
Ir müisset selber mit Meister sein .  
Mit eingeben / zu schüren vnd auffblasen /  
Das wir die Leut mögen füren bey der Nasen .  
Vnd das vnter einem erbarn heiligen schein /  
Die grösten ertz Buben stück verborgen sein .  
Sich etlich stellen / als fechte sie es nichts an /  
Sprechen / Ah wie erleb ich die zeit / ich arm alter Man  
Thun doch alle practicken helffen machen /  
Nemen sich denn gar nichts an der sachen .  
Lassen einen andern das Redlin treiben /  
Dürffen dennoch guts glücks / solt verschwiegen bleib  
Darumb gebt vns mit der Teuffel genug / (ben .  
Das wir haben / die wir mögen schicken wider zu ruck /  
Vnd entbieten euch alle sachen .  
Nu wir wollen vns auff die fart machen .

### Ein ander klein Teufflin .

Glück zu / sagt Derr wenn streit /  
Nu laßt sehen / wer den andern geheit .

Pluto / Belial / die abgefertigte  
Bottschaft / vnd ire zugege  
bene Kotte sind nu auff .



## Gesprech

PLVTO.

Wo wollen wir hin aus/wo treffen wir den an/  
Hertzog Heinrich den guten ehrlichen Man.  
Ich acht wir ziehen zum nehesten hinaus  
Nach Wolffenbeutel zu seinem seer festen Haus,  
Auff dem wege wollen wir wol erfahren new zeiten  
Können darnach zu jm die Post reiten.  
Sehet zu/dort kompt ein Landsknecht her/  
Der wird vns fragen newe mehr.  
Wie es vmb des Hertzogen sachen stehet/  
Vnd wie es in seinem Lande zugehet.

## Der Landsknecht wider sich selber.

Pox Velten/ Was kompt dort fur ein schwarzes heer/  
Obs wol der freidige Hertzog von Brunschwieg wer.  
Es ist ein seltsame gesandte hab/  
Ich mein das der Teuffel mit seiner Mutter herdrab.  
Sie dringen daher/ ich mus still stan/  
Ich sehe/sie wollen mich sprechen an.

## Belzebub der Reuter Marschalck.

Wan her/Krieges Man/ wan her/  
Was sagestu vom Kriege fur gute mehr.  
Ist Wolffenbeutel hard bedrenget/  
Haben sie schier die Rüben vmbher versenget.

Ich



## Vom Scharhanscn H. H.

Ich mein sie sollen anlauffen.  
Vnd sich noch wol ein weil drumb rauffen.

Kriegsman.

Potz macht/ ich bin von Wolffenbeutel kaum entronnen.  
Sie schiessen hinein wie sant Veltens wunnen.  
Wir meinten/ der böse Hertzog solt vns haben rettung ge-  
than.

Er bleibt aus/ das in müst sant Küris Rauch bestan.  
Ich mein man hat jm sein Wolffes Nest zugericht/  
Wer es noch eins so fest so hilffts alles nicht.  
Es hat sich warlich der Hertzog wol bedacht/  
Das er sich hat von dannen gemacht.  
Wette er noch so ein künen mut/  
So weis er/ das weit dauon ist fur den schos gut.

Marschalch.

Höre weiter lieber Kriegsman mein/  
Sagt man nicht/ wo sol der Hertzog sein?

Kriegsman.

Ich weis es sümer potz Veltens nicht/  
Der Pouel von jm seltsame rede ticht.  
Man wil sagen/ er sey zu Fraw Marien gen Burgund ge-  
zogen/  
Man weis nicht wo er hin ist gestoben oder geflogen.  
Er hat vns recht in der Suppen lassen stan/  
Ich diene jm nicht mehr/ solt ich vmb Brot gahn.

B

Es



## Gesprech

Es mag im der Teuffel helffen/  
Zu Wolffenbeutel zeuget er schwerlich meher junge  
Gwelffen.

## Marschalck.

Ly/ob du an im verzagest lieber Man/  
Man wird im dennoch wol helffen vnd beistan.  
Daw jmer hin lieber Gesel/  
Ich sehe/du schewest dich auch fur der Dell.  
Der Lawr hat vns lang gehalten auff.  
Wir müssen flux wider stechen drauff.  
Wollen rucken den Berg hinan/  
Sibe/dort sehen wir ein heufflin reiten oder gah n.

## Ein gemein Teuffelchin.

Herr Marschalck/die dort von fernis ziehen her/  
Das sind zehen oder zwelff Reuter.  
Ich sehe das sie gleich her auff vns draben/  
Da wollen wir aber weiter fragen.

## Marschalck.

Schort/erwer vier rucken bald hinaus zu in.  
Sagt in aber nicht wer wir sein oder wer ich bin.  
Nemet von jnen bescheid/vnd saget wir sind Freund/  
Das wir vngern wolten Fried machen/darzu sind wir  
gesent.  
Sagt in/wir wollen sie gütlich sprechen an.  
Sie sollen kein schew fur vnserm Hauffen han.

Herr



Vom Scharhanssen H. H.  
Herr Hans vngenant Ritter  
zu seinen Knechten.

Jr Gesellen/dort ziehen viel Reuter im grund/  
Gehören sie nicht zu vnserm Friedes Bund/  
So werden sie vns weidelich sprechen an /  
Vnd ein Reuter spiel mit vns wollen han.

Reuter Hensell.

Herr/sehet dort/sie schicken von sich  
Deuchts euch gut/ so wollen Wolff Strauch vnd ic h  
Auch zu inen reiten/vnd guten bescheid geben /  
Gefelt es vns andern/vnd ist vns eben.

Herr Hans vngenant Ritter.

Ja rucket hinzu/ jr lieben Knecht /  
Vnd haltet euch in der sachen nach Reuters Recht.

Reuter Hensell.

Daw drauff Gesel/nim meiner war.  
Ich weis wol/das du thust/ das ich thun thar.

Wolff Strauch.

Thu gemach sie eilen auch seer her /  
Sihe/es sind fürwar seltsame Reuter.

Schort der Teuffel vornemster  
vordraber.

Wer sind die Reuter / wo denckt jr hinaus?

B ij Reuz



## Gesprech

### Reuter Hensell.

Ey lieber Stallbruder/wo gehöret jr zu Haus?

### Schort.

Unsere Herrn vnd Reuter das sind Legaten /  
Vnd eins gros mechtigen Herrn Amasaten.  
Sie haben vns voraus zu euch gesand /  
Zu fragen/ob jr komet aus dem Brunschwiger Land.  
Vnd wie daselbs stehen die sachen /  
Denn sie wollen vngern friede machen.

### Wolff Strauch.

O lieben Gesellen/die Netten ist all gesongen/  
Wolffbeutel vnd das gantze Land ist schon gewonnen.  
Ir hett ehe müssen thun zu den sachen/  
Wenn man hett wollen friede machen.  
Wolffenbeutel hat gehalten ein straus /  
Die Gest sind drin der Wirt ist heraus.  
Das wolt jr ewern Herrn sagen /  
Der von Brunswig hett die Leut nicht so solt plagen.  
Auff anderer Herrn schaden nicht haben practicirt/  
Auch so viel Leut auff sich gefürt.  
Vnd gedrewet haben den Backen streiche/  
Gedacht / sihe/das man dir nicht widerumb ein reiche.  
So were er bey land vnd Leute blieben /  
Es het in auch niemand so bald vertrieben.  
Da er aber so viel reitens hat wollen haben /  
Dat man in das Köslin dazu müssen beschlagen.

Schort.



## Vom Scharhanssen H. H.

Schort.

Nu vnser Herrn Kommen heran.  
Sie werden einander selbs sprechen an.

Pluto.

Lieber Herr/oder was jr seid /  
Dabt nicht verdries/das ich zu euch reit.  
Ich wolt euch anreden in freundschaft /  
Vnd bitten gute kundschafft.  
Reitet jr aus dem Lager her?  
Bit/saget mir doch on alles gefer.  
Wie es alda zugehet /  
Vnd wie es vmb Land zu Brunschwigg stehet.  
Wo doch der Hertzog Heinrich mag sein /  
Denn wir dencken auch zu jm hinein.  
Wolten vns schlagen in die sachen /  
Ob wir künden ein löcherigen frieden machen.

Herr Hans vngenant Ritter.

Herr/jr wolt mir nicht fur vbel han /  
Das ich ewern rechten Titel nicht geben kan.  
Denn furwar Herr/ich ken ewer nicht /  
Ich wil euch aber sagen on alles geticht.  
Das Land zu Brunschwigg mit alle Festen ist gewonnen /  
Der Hertzog ist dauon entronnen.  
Er hat schendlich verlassen sein Land vnd Leut.  
Wil gern sehen wo er sich erhole einer solchern bent.

B ij Er hat



## Gesprech

Er hat sich von seinem weissen Köslin selber gehörtzt/  
Gott hat sein vbermut vnd hoffart zu bodem gestürtzt.  
Das er nu ist ein Hertzog on Land /  
Sein Tyranny vnd tück iderman gemacht bekant.  
Gottes heilwertiges Wort hette er gern aus der Welt ge-  
trieben/  
Aus hofertigem stoltz sich an iderman gerieben.  
Not feror gesucht an allen örten/  
Vmb sich geschmeist mit weibischen schmee Worten.  
Dat den ehrlichen Kauten Krantz hart gegrieffen an/  
Gemeint/wer im niemand zu gut dem künen Man.  
Dat aber nicht thüren erwarten der roten Schwert /  
Furcht man möcht im gestrigelt han sein weisses  
Pferd.  
Der Stern hat im auch zu seer in die Augen geschinnen/  
Dat gedacht/wol auff nur weit von hinnen.  
Die helffen weder Wolffes Löcher noch Steinbrücken.  
Ich hab zu hoch gefaren/ich mus mich nu tücken.  
Ey ja lieber Herr so gehet es den/die Gott verachten /  
Andern Leuten nach jren ehren vnd gelimpff trachten.  
Wollen nirgend an vnd oben raus /  
Ehe man sich vmbseheth so ist mit jnen aus.  
Es helffen weder starcke Deuser noch Festen/  
Alles dinges ein mas/das ist am besten.  
Menschlicher trotz mus vntergahn/  
Allein Gottes Wort bleibt ewig bestan.  
Denn/wenn von anbegin dieser armen Welt wesen  
Alle Historien vnd Geschicht werden durchaus gelesen/

So



## Vom Scharhansen H. H.

So find man / was sich hat wider Gott Gesetzt /  
Das hat dennoch alles müssen vntergehen zu letzt.  
Widerumb / wer auff Gott hofft vnd dem vertrauet /  
Der hat im ein starcke Festen gebawet.  
Er wird auch verlassen nimer mehr /  
Gott hat in schutz sein Leib / Sell / Gut vnd Ehr.  
Das solt der stoltze Hertzog auch haben bedacht /  
So het er sein sach gar viel besser gemacht.

### Pluto antwort zorniglich.

Ey mein lieber guter Freund vnd Herr /  
Ir gebt ein seer guten Prediger.  
Meint ir / der Hertzog sey nu gantz vnd gar verlassen ?  
Nein / es stehen die sachen der massen.  
Der Papst / Cardinal / Bisschoff vnd der Teuffel in der  
Wellen /  
Sind all in diesen sachen sein Mitgesellen.  
So ist all sein thun vnd leben auff vnruhe gericht.  
Darumb er viel wunderlicher vnd seltzamer anschlege  
erticht.  
Dat sich nacht vnd tag damit getragen /  
Er meint aber nicht sich selbs zu veriagen.  
Aber das jmer jemand darin solt irren /  
So schlehet vntrew iren eigen Herrn.  
Er wird dennoch gantzlich nicht ablan /  
Wird sehen vnd richten ein newes an.

So



## Gesprech

So lawern itzund auch sonst sein Bunds verwandten/  
Denn das man in so vberraschet hat/ sant anten/  
Het gemeint es solt aber vberredens gelten/  
Vnd man würde noch lenger schreiben/ vnd sich mit im  
schelten.

So wandelt man die Feder in Büxen vnd lange Spies/  
Fragt nichts darnach wem das verdriess.

Ob Papisten/ Teuffel vnd all sein Bunds Herrn  
Hefftig darumb toben/ wüten vnd zörnen.

Aber man wirds nicht vnter wegen lassen/  
Können wol wider ein Stein zusamen blasen.

Der die Euangelische verstendnis stoss fur die Stirn/  
Vnd solten wir auch den Türcken zu hülff füren.

Vnd ich selber wil einer sein/  
Mein sammen auch weidlich mengen drein.

## Herr Hans vngenannt Ritter.

Es ist nu ein geschiefft Man / mus fort wogen /  
Der es in seiner hand hat / sitzt im Dimel droben.

Den müssen die Teuffels würrn auch drumb fragen.  
Wir wollen fur dem geschmeis nicht so hart zagen.

Der Gott der lebet vnd alles erhelt /  
Dat den selbigen Teuffels Köpffen alle bereit ein vrteil  
gefelt.

Die wider Gott/ sein heiliges Wort vnd alle erbarkeit stre-  
ben wöllen/

Das sie gehören in den Abgrund der Wellen.

Denn



## Vom Scharrhanssen H. H.

Denn das wuste auch Hertzog Heinrich der frome Man/  
Das im der seine bosheit stewart kan.

Darumb da Hertzog Georg von Sachsen verschieden  
was /

Aus grossen mitleiden vnd betrübnis sprach er das.

Nu wolt ich / das Gott im Himel wer gestorben /

Ly lieber ja / so weren seiner ehrlichen anschlege nicht so  
viel verdorben.

Sint sie im aber all zu ruck sind gangen /

Vnd alles was er mit seiner Teuffels Kotten hat ange-  
fangen /

Ist zuschmiltzen wie der Schnee /

So thut es nu dem fromen Herrn wee.

Das er gar darnider gestürtzet ist /

Da fur loben wir den Herrn Jesum Christ.

Der wird sein Wort vnd die dem anhangen wol erhal-  
ten /

Den selbigen starcken Gott wollen wirs lassen wal-  
ten.

Siehet hin / lieber Herr / oder was jr seid /

Ich wil auch sehen wo ich hin reit.

## Pluto ist zornig.

Reit hin in meinem namen wer du bist /

Was schmetterstu von deinem Ihesu Christ?

Jr Lutherische müßt vns noch harlan.

Vnd solt euch alles vnglück bestan.

C Herr



## Gesprech

Herr Hans wirfft sein  
Dengst rumb.

Behalt dirs lieber Gesel/ Ich reit darnon.

Reuter Hensell.

War fur halt jr gestrenger Herr diese Reuterey?

Ich mein das es der wütige Teuffel aus der Hellen sey.

Ich kan mich in ire rüstung gar nicht schicken /

Sie haben sich wunderlich müssen zu samen flicken.

Je lenger ich sie hab gesehen an /

Je mehr kam mich ein grausen an.

Auch was gantz wunderlich jr herr /

Da jr von Gottes Gewalt redet / ward er gar jrr.

Kunde euch gar nicht zuhören mehr /

Es roch jm sawer in die Nase die Euangelische Leer.

Er wird freilich zum Hertzen von Brunschwиг draben /

Der mus nu solche tröster haben.

Die helffen auffwickeln vnd Redlin treiben /

Denn es wil kein redlich Man sonst bey jm bleiben.

Man hat in lernen kennen zu wol /

Seins guten gerüchts ist die gantze Welt vol.

Herr Hans.

Ich wußt auch nicht wie ich mit jm dran was /

Bey meinen ehren rede ich das.

Ich were lieber gewesen weit dauon /

Denn das ich jm solt lange reden ausstan.

Sie



Vom Scharhansen H. H.

Sie mügen jmer hin weidit von vns draben/  
Die Drüs vnd Peul mit dem Dertzogen haben.

Pluto redet / da sie von ander  
komen.

Dieser Ritter ist furwar ein trotziger Man/  
Das er so tapffer von sachen reden kan.  
Dis thun wil sich noch weiter strecken/  
Vnd vnfers Dertzogen anschiffter seer erschrecken.  
Wenn sie es wollen angreiffen mit solcher tapfferkeit/  
So wird manchem ein practiciren noch werden leid.  
Wer hets können glauben noch aussinnen /  
Das man die grosse Festen so bald solt gewinnen.  
Dat man den reien so risch getantzet aus/  
So verlas sich nur keiner auff sein festes Hans.  
Belial vnd jr andern Gesellen /  
Wir müssen schliessen / was wir thun wöllen.  
Weil wir des Dertzogen wesen nicht können erfahren/  
So wollen wir vnser mühe vnd vergebens reisen auch  
sparen.  
Zu diesen sachen gehöret aller Papisten vnd Teuffel list  
vnd kunst /  
Ich furcht was wir itzt fürnemen / das ist vmb sunst.  
Wir müssen bedechtig vnd ernste Ratschleg darüber han.  
Ich acht wir reisen zu rüch / vnd zeigens vnserm Herrn  
Luciper an.  
Vnd berichten jm alle sachen/  
Der wirds wol wissen wie ers wil weiter machen.

C ij Das et



Gesprech

Das er bleib in der hellischen pein /  
Vnd helffe allen vnsern vnruigen Papisten auch hinc  
ein.

• Belial.

Pluto/ dein Rat gefellet vns allen wol/  
Sint ich mein bedencken dazu sagen sol.  
Weil sich alle Papisten vnd vnser anhenger itzund bu  
cken/

Keiner wil sich lassen erfur lucken.  
Das wir auch lawern vnd sehen zu/  
Wie man den sachen weislicher thu.  
Denn vnser Dertzogen anschleg sind zurissen /  
Er hat sich in seiner klugheit beschmissen.  
Er mag sich die Papisten widerumb ausswuschen lan/  
Oder wil er bey vns ein wannen Bad han /  
So wollen wirs jm mit vreis bereiten /  
Vnd ein Cardinals Mantel darüber breiten.  
Das er mag baden vnd bancfetiren aus /  
Zu Wolffenbeutel ist er itzt nicht mehr zu Daus.

Das klein Teuffelch in wirfft  
sich rumb.

Wend dich Köslin / wir haben ein vergebene reise ge  
than/  
Ich fürcht es werden vns noch wol mehr anschlege zu  
rück gahn.

Beschlus



## Beschlus des Dialogi.

Gott hat aber eins beweiset seine macht/  
Vnd den Papisten ein denckzedel bracht.  
Larinnen sie mügen lesen vnd sehen/  
Das jr practick vnd anschlege gar nicht wollen bestehen.  
Denn wie hoch sie scharren/trotzen vnd pochen /  
So wird dennoch in die schantz gebrochen.  
Wenn sie haben zum höchsten auff jrs anhanges macht  
vertrawet /  
Der grosse Festen aus Dreck vnd Stein gebawet.  
Vnd wollen pochen die gantze Welt /  
So hat sie Gott gar bald herunter gefelt.  
Vnd müßens lassen nach seinem willen gahn/  
Denn sein Wort bleibt fur in ewig stan.  
Es sind sonst so gar vergenglich alle ding /  
Die auff dieser armen elenden Welt sind.  
Wir werden auch nicht ewig leben /  
Müssen zu letzt ein schwere Rechenschafft geben.  
Das wir also gottlos leben/wüten vnd toben /  
Es wird alles zu letzt ein ende haben.  
Vnd wer hie nach Gottes willen nicht hat gethan /  
Wird dort ewig den spot zum schaden han.  
Der liebe Gott wol seins Worts Verfolger auch bekeren/  
Vnd jren bösen gifftigen anschlegen furder wehren.  
Das sie mügen zu erkenntnis der Wahrheit komen /  
Ire grawsame sünden durch Gottes Barmhertzigkeit  
werden entnommen.  
Das sie auch bracht werden zu der seligkeit/  
Da zu helfff vns allen Gott in ewigkeit.

AMEN.



Verzeichnis der Catalogi

Das ist ein Verzeichnis der Bücher  
die in der Bibliothek der  
Universität zu Halle  
aufbewahrt sind  
und die in dem  
Jahre 1711  
erschienen sind  
Das Verzeichnis  
ist in drei  
Theile getheilt  
und enthält  
die Namen der  
Bücher  
die in der  
Bibliothek  
aufbewahrt  
sind  
und die in  
dem Jahre  
1711  
erschienen  
sind  
Das Verzeichnis  
ist in drei  
Theile  
getheilt  
und enthält  
die Namen  
der Bücher  
die in der  
Bibliothek  
aufbewahrt  
sind  
und die in  
dem Jahre  
1711  
erschienen  
sind  
AMEN.









QX<sup>2</sup>/<sub>c</sub> 1987

(x2206262)

me












h. 19 23  
Q. v. X

Ein  
H. H.



Vc  
1987

sch der  
cher  
rossen

1334

